

海龍府鄉土志

人類

滿洲

蒙古

漢軍

民籍

回回

田賦

合屬共升科地一百二十九萬零八百五十五畝一分每畝徵正銀二分共徵正銀二萬五千八百一十七兩一錢零二厘耗羨銀一分共徵耗銀一萬二千九百零八兩五錢五分一厘

戶口

旗戶六百二十八戶

民戶二萬九千四百七十四戶

共男十萬六千八百零七丁女八萬七千四百口

氏族

開闢未久查無大姓氏族居住

宗教

回教三十三名

天主教五百三十六名

耶穌教二百八十七名

實業

士 一千七百十八名

農 九萬七千三百名

工 三千二百五十九名

商 四千五百三十名

天度

在北緯四十二度四十二分二十八秒東經九度三十七分十秒夏至日寅正一刻十分三十六秒日入戌初二刻四分二十四秒晝長六十刻八分四十八秒夜長三十五刻六分十二秒冬至日出辰初二刻四分二十四秒日入申正一刻十分三十六秒晝長三十五刻六分十二秒夜長六十刻八分四十八秒

地理

本境廣三百一十里縱二百里在

盛京東北水程無陸程六百里至北京水程無陸程二千一百二十里吉林界一百二十里西至開原縣界一百六十里南至柳河縣界四十里北至東平縣界一里東南至柳河縣界十里東北至吉林磐石

縣界五十里至伊通州界一百里西南至開原縣界一百六十里西北至東平縣界十五里全界分三十六社城內設知府衙門一所經歷衙門一所教授衙門一所舊設圍場總管衙門一所正白廟白正藍廟黃四旗官廳現因圍場已墾奉文裁併城內有勸學所巡警總局高初等小學堂各一所師範傳習所一所城中修

文廟一座關帝廟一座城隍廟一座東關修龍神廟一座南關修火神廟一座

第一海昇社與府城為一社在城東十里曰奶子山設公立初等小學堂巡警分區一所東界海康社西界城南界海平社北界海盛社

第二海平社在城東南十二里曰雙頂子設公立初等小學堂一處巡警分區一所東界海康社西界海通社南界海順社北界海昇社海康社

第三海盛社在城東北十五里曰牛心頂子設公立初等小學堂一處巡警分區一所東界海康社海安社西界東平縣界南界海昇社北界海治社

第四海治社在城東北四十五里曰高楊樹設巡警分區一所在城東北五十里八道崗子設公立初等小學堂一處南距高楊樹巡警分區十五里在城東北四十五里曰亮子河設公立初等小學堂一處巡警分區一所西南距高楊樹巡警分區八里東界吉林磐石縣界西界東平縣界南界海盛社北

界海億社

第五海億社在城東北八十里曰北黑嘴子設公立初等小學堂一處巡警分區一併東界海治社西界東平縣界南界海治社北界海北社

第六海北社在城惠連一百里曰康大營設公立初等小學堂一處巡警分區一併東界吉林磐石縣界西界東平縣界南界海億社北界吉林伊通州界

第七海安社在城東北五十五里曰小山亦曰八大泉眼設公立初等小學堂一處巡警分區一併東界吉林磐石縣界西界海盛社南界海康社北界海治社

第八海康社在城東三十五里曰朝陽鎮街衢寬廣商民輻輳風稱繁富有左翼翼長衙門正黃廂紅二旗官廳現已裁撤存牲畜稅分局斗秤土藥捐分局設公立初等小學堂一處巡警分區一併街中有財神廟街東有火神廟東壕外有龍神廟北山麓有碧霞元君廟鎮西八里曰野豬河設公立初等小學堂一處巡警分區一併東界海振社西界海昇社鎮東五里有古壘

第九海振社在城東五十五里曰圍林子設公立初等小學堂一處巡警分區一併東界海興社西界

海康社南界海聚社北界吉林磐石縣界社西南有古城曰輝發峰下城社東山上有平臺沿稱曰點將臺東山下另有古壘

第十海興社在城東八十五里曰蛤蟆河設公立初等小學堂一處巡警分區一所在社西之輝發城設巡警分區一所距城七十里距蛤蟆河巡警分區十五里東界海保社西界海振社海聚社南界海甲社北界吉林磐石縣界

第十一海保社在城東一百一十里曰蛟河現改為中陽堡設公立初等小學堂一處巡警分區三所一在中陽堡一在社之大北岔距城一百五十里西北距中陽堡巡警分區四十里一在社之托佛別距城九十里西南距中陽堡巡警分區三十里東界吉林界西界海興社南界海綏社北界吉林界

第十二海甲社在城東南八十里曰大陽在社之黃泥河子設巡警分區一所東界海保社西界海聚社南界海綏社北界海興社

第十三海綏社在城東南九十里曰孤頂子設巡警分區一所東界吉林濛江界西界海聚社南界柳河縣界北界海甲社

第十四海聚社在城東南七十里曰樓上有小村落設公立初等小學堂一處巡警分區一所東界海綏社西界海遠社海方社柳河縣界南界柳河縣界北界海興社社南杉松崗煤鐵礦甚著名

第十五合海遠海方二社為一社在城東南四十五里曰平安川在社之中區轉通設公立初等小學堂一處設巡警分區一所有廟宇一座東界海聚社海興社西界海平社海順社柳河縣界北界海康

社

第十六海嶼社在城南三十里曰一統河濱設公立初等小學堂一處巡警分區一所東界海方社西界海連社南界柳河縣界北界海平社

第十七海化社在城西十四里曰鸞隴溝在社西五魁頂子設公立初等小學堂一處巡警分區一所距城二十五里東界府城海昇社西界海義社南界海通社北界東平縣界

第十八海通社在城西南二十五里曰鴨綠河設公立初等小學堂一處巡警分區一所東界海平社西界海良社南界海連社海慈社北界海化社

第十九海連社在城南三十五里曰太平川設公立初等小學堂一處巡警分區一所有關帝廟一座東界海嶼社西界海慈社南界海通社北界海通社

第二十海恩社在城西南三十七里曰蓮花泡設公立初等小學堂一處巡警分區一所東界海平社西界海良社南界海通社北界海義社

第二十一海惠社在城西南五十里曰杏嶺設公立初等小學堂一處巡警分區一所東界海連社西界海陸社南界海通社北界海通社

第二十二海循社在城西南六十里曰三合堡設公立初等小學堂一處巡警分區一所東界海嶼社西

柳河縣界南界柳河縣界北界海連社海惠社

第二十三海良社在城西南六十里曰大平莊俗名六百擔亦名六八石有小集市街西有廟宇一座  
設公立初等小學堂一處巡警分區一所東界海恩社海通社西界海仁社南界海隆社北界海智社  
第二十四海仁社在城西南七十里曰四合堡土名四百擔亦名四八石設公立初等小學堂一處巡  
警分區一所東界海良社西界海和社南界海隆社北界海智社

第二十五海義社在城西四十八里曰梅河口設公立初等小學堂一處巡警分區一所東界海化社  
西界海智社南界海良社北界東平縣界

第二十六海智社在城西七十里曰大黑嘴子設公立初等小學堂一處巡警分區一所所有廟宇一座  
東界海義社西界海信社南界海良社北界東平縣

第二十七海信社在城西一百一十里曰山城子街衢寬廣商民輻輳風稱繁盛有若翼翼長街門正  
紅廂藍三旗官廳有牲畜稅捐總局有斗秤土葯捐總局設公立兩等小學堂一處在鎮東八里曰東

山城子設巡警分區一所街中有龍神廟一座街東三里有廟宇一座東界海智社西界海樂社南界  
海和社北界東平縣界北山西南坡有古壘

第二十八海和社在城西南一百五里曰頭百擔亦名頭八石有小村落設公立初等小學堂一處巡



警分區一所東界海仁社西界本社楊樹河子花園南界海昇社北界海信社

第二十九海和社在城西南一百一十里曰楊樹河子有小村落設公立初等小學堂一處巡警分區

一所東界本社頭百擔西界海樂社海永社南界海昇社海茂社社中有古壘因全社名小村子與頭

百担原係一社後分為二也

第三十海樂社在城西一百二十八里曰上龍山設公立初等小學堂一處巡警分區一所東界海信

社西界海永社南界海和社海永社北界東平縣界

第三十一海永社在城西一百五十五里曰巴彥河土名白銀河有小村集設公立初等小學堂一處

巡警分區一所村東有廟宇一座村西分水嶺有廟宇一座東界海樂社西界開原縣界南界海恒社

北界東平縣界

第三十二海強社在城西南二百里曰孤山子設公立初等小學堂一處巡警分區二所一設於同社

之小白銀河東界海永社海恒社西界英額門開原縣界南界柳河縣界北界海永社

第三十三海昇社在城西南一百二十里曰大荒溝設公立初等小學堂一處巡警分區一所東界海

仁社海陸社西界海茂社南界柳河縣界北界海和社社之山陰石壁鑄有古字類篆籀然模糊不可

辨認矣

第三十四海陸社在城西南七十五里曰城隍河子設公立初等小學堂一處巡警分區一併東界海  
惠社西界海昇社南界海惠社北界海良社海仁社

第三十五海恒社在城西南二百里曰六官巷設公立初等小學堂一處巡警分區一併在社東距城  
一百六十里磨盤山設巡警分區一併西南距六官巷巡警分區十里東界海和社西界海強社南界  
柳河縣界北界海水社

第三十六海茂社在城西南一百八十五里曰大樺樹設巡警分區一併東界海昇社西界海恒社南  
界柳河縣界北界海恒社

山

全境之山有四大支西南一帶之山以納綠窩集為祖山即長嶺子古名歌爾民朱敦今名分水嶺嶺  
之南麓在

興京界內自海強社入境緣亘起伏東北行延袤二百餘里落脈於海平社東界之太平溝其著名之山  
在海恒社海強社分界處曰哈達嶺自西南而東北袤延於海恒社海強社海和社者曰長崗自海恒  
社分支西北向在海強社者曰鮎魚嶺在海水社者曰分水嶺曰大夾河在海恒社者曰馬鞍山曰城  
場嶺在海茂社者曰蟹爾嶺曰小荒頂子曰大荒頂子在海茂社海昇社分界處曰老虎頂子在海昇

社者曰雞冠砬子曰四方砬子曰興隆山曰香鑪砬子山曰老翁嶺曰雙道嶺曰西哈達山在海泉海  
 隆二社間者曰東哈達山在海隆海仁二社間者曰新開嶺在海仁社者曰老轎頂子曰上砬子在海  
 良社者曰下砬子在海隆社者曰砬門子山在海良海通海隆海惠四社間者曰四方頂子在海惠社  
 者曰釣魚臺曰興隆山曰杏嶺自四方頂子向東北一帶高崗直經海通社海平社者曰鴨綠崗在海  
 平社者曰雙頂子

此一帶之山以庫魯納窩集為祖山即分水嶺北麓自西而東皆自東平縣界入境簇擁百餘里落脈  
 於海泉社城東之奶子山在海樂社者曰二龍山在海信社者曰山城子山在海智社者曰大黑嘴子  
 山在海義社者曰桂金嘴子在海化社者曰五魁頂子在海泉社者曰奶子山

東北一帶之山以吉林界之紅石砬子為祖山自海北社入境自西北而東南橫亘百餘里至輝發河  
 東岸海振社之月牙山麓脈其著名之山在海北社者曰五塊石在海德社者曰黑頂子曰小北山在  
 海治社者曰一座英山曰雙鳳山在海安社者曰小山在海盛社者曰中心頂子在海康社者曰石頭  
 頂子曰西橫虎曰東橫虎曰月牙山

東南一帶之山以大四方頂子為祖山在海保社者曰青頂子曰大北岔山在海綏社者曰馬屁股山  
 曰南孤頂子曰北孤頂子曰鞍子山在海甲社者曰蜂蜜山曰東大陽山曰西大陽山曰櫻棒嶺在海

334982

海龍府鄉土志目錄

實業 宗教 氏族 戶口 田賦 人類 耆舊 兵事 武備 警務 學務 政績 歷史

海龍府勸學所同人編輯

興社者曰紅石砬子曰馮家嶺曰聖音吉林峯在海縣社者曰杉松嶺

奶子山在城東五里第一海昇社界內山東麓有古壘

雙頂子在城東南二十里第二海平社界內雙峰並峙丙午正月初二日朝現山市二峰各現一城南

一城城樓女牆宛然可數此一城則無樓堞山東野豬河居民多有見之者

牛心頂子在東北三十里海盛社界內

西橫虎在城東三十里第八海康社界內

東橫虎在城東四十五里海康社界內山西南有古城山東南有輝發峰下城

石頭頂子在城東北三十六里海康社界內

月牙山在城東五十里第九海振社界內山上有平臺相呼為點將臺山東有古壘

聖音吉林峰在城東六十里第十海興社界內峰上有輝發城山東麓有輝發河城為輝發國故址

太祖三十五年所滅者也康熙二十七年

聖祖仁皇帝祭告

山陵歸狩於輝發嘗至此駐

蹕

紅石砬子在城東八十里海興社界內

馬家嶺在城東七里海興社界內

櫻棒嶺在城東南五十五里第十二海甲社界內

西火陽山在城東南七十五里海甲社界內

東太陽山在城東南八十五里海甲社界內

蜂蜜山在城東南九十里海甲社界內

鞞子山在城東南一百一十五里第十三海經社界內

北孤頂子在城東南一百一十里海經社界內

南孤頂子在城東南一百五十里海經社界內

馬屁股山在城東南一百五十里海經社界內

大北岔山在城東南一百五十里第十一海保社界內山前清水溝亦曰芹菜溝現出金苗甚旺

青頂子在城東南一百三十五里海保社界內

四方頂子在城東南一百八十里海保社與吉林分界處

杉松崗在城東南五十里第十四海聚社界內出煤鐵礦甚著名焦炭尤為特產

小山在城東北五十五里第七海安社界內

雙鳳山在城東北四十五里第四海治社界內

一座英山在城東北四十五里海億社界內

黑頂子在城東北六十五里第五海億社界內

小北山在城東北七十五里海億社界內

五塊石在城東北一百里第十四海北社界內與吉林伊通州分界處

五魁頂子在城西二十二里第十七海化社界內

挂金嘴子在城西三十五里第二十五海義社界內

大黑嘴子在城西六十里第二十六海智社界內

山城子山在城西一百一十里第二十七海信社界內

二龍山在城西一百三十五里第三十海樂社界內

鴨綠崗在城西南二十里第十八海通社界內

杏嶺在城西南五十五里第二十一海惠社界內

興隆山在城西南六十里海惠社界內

釣魚臺在城西南八十五里海惠社界內

四方頂子在城西南六十五里在海惠社與第三十四海陸社第十八海通社第二十三海良社四社之間

砬門子山在城西南九十五里第三十四海陸社界內

下砬子山在城西南七十五里第二十三海良社界內

上砬子山在城西南八十五里第二十四海仁社界內

老驕頂子在城西南九十五里海仁社界內

新開嶺在城西南九十五里海仁海陸二社之間

東哈達山在城東南一百里海陸海昇二社之間

西哈達山在城東南一百二里第三十三海昇社界內

高麗盤道嶺在城東南一百七十里海昇社界內

老爺嶺在城西南一百一十里海昇社界內

香鑪碗子山在城西南一百里海昇社山下舊出金礦

興隆山在城西南一百二十二里海昇社界內



四方頂子在城西南一百一十五里海昇社界內

雞冠砬子在城西南一百二十里海昇社界內

老虎頂子在城西南一百三十里在海昇海茂二社分界處

大荒頂子在城西南一百三十五里第三十六海茂社界內

小荒頂子在城西南一百四十里海茂社界內

盤兒嶺在城西南一百七十里海茂社界內

城場嶺在城西南一百八十里第三十五海恒社界內

馬鞍山在城西一百四十五里海恒界內

大央阿在城西一百六十里第三十一海永社界內

分水嶺在城西一百六十里海永社界內

鮎魚嶺在城西南一百八十五里第三十二海強社界內

長崗在城西南一百二十里第二十七海和社第三十五海恒社海強社三社界內

哈達嶺在城西南一百九十里海恒海強二社分界處

水

柳河即遼吉善河發源於納綠窩集東北麓流五十餘里至海恒社太平甸子入境北流八里受西來曲欄川之水北流七里受西來二窪之水又北流二里東受黑石頭溝之水又東北流二十五里出海恒社界至海和社界受南來柳樹河子之水復東流北轉十七里至海信社山城子鎮會巴彥河東流二十里至海仁社南受哈達嶺諸溝之水東流三十五里經海智社東界會西北來梅河之水又東北流五里至海義社南受太平莊之水又東北流十八里受西北西沙河子之水復東流二十八里至海龍城南受南來鴨綠河子之水又東流十五里經海平社會北來東沙河之水又東二十里經海康社朝陽鎮南與一統河合又東流入里至海依社界會三通河又東流北折十二里入輝發城自海康社朝陽鎮以下四十里可通大於三板之船入輝發江

一統河發源於

興京界之金嶺東麓流六十里至海昇社與陸溝入境東流三千里至海陸社南與柳河縣分界麓東北流五里南受柳樹河子水九里北受城水河子水東北流二十五里西至海連社受楊樹河子之水東北流三十里經海順社受南來窩集河之水東流二十里至海康社朝陽鎮南入柳河

三通河之源有三一出於柳河縣之馬鹿溝至小城子合流為一東流北折經樣子哨北流之黃泥河

子入境西北流八里至海聚社樓上東北流二十五里經海方社轉通東北流繞海聚社大隈子十五

里至福門山下入柳河自海康社以下三十里可航三板船入海  
巴彥河源出於大央阿之陽分水嶺東流五里至海水社草市南受小巴彥河之水東流十里而北受  
梅樹河子之水東流三十里受北來橫道河子之水東流三里入柳河

橫道河子有二源一出於東平縣界大林子頭山一出於大央阿山之東北麓至善大房子合流東流  
南林經二十五里至山城子鎮西入境入巴彥河

梅河即梅黑河發源於東平縣界孤山東麓東流南折至梅河臺入境繞海智社東北隅南斜入於柳  
河

西沙河子即吉爾河又嘗於河之上流得石鐮曰流沙河未詳孰是源出東平縣界嶺石嶺南麓東流  
經東平縣再東流至海義社東界入境南流入於柳河

東沙河源出於吉林界寒蔥嶺經朝陽山之南自海光社康大營入境南流二十里西會黃泥河子之  
水東南流二十五里經海治社西會樺樹河子之水又東南流二十里經海盛社西會柳樹河子之水

又東南流二十五里經海平海康二社之間入柳河  
大亮子河源出於海北社三十一戶之一步嶺北麓東北流七里折而東又南流十三里經海億社之

小貝山再南八里與小亮子河合東流五里西會雙鳳山之水又三里至海安社郭家大橋東北流三

里入鍋盪諸溝之水又三里西受八火泉眼之水又東南流三十里經海振社之月牙山後入輝發河  
小亮子河有二一發源於一步嶺之南麓東南流十五里至海治社雙鳳山後與大亮子河合一發源  
於黑頂山南流十二里與雙鳳山北麓諸水合流東流八里入大亮子河

蛟河源出於老岡之四方砬子山北麓西岔西北流經海保社之大場園四十里至腰嶺子經青頂子  
北麓曲折西北流二十五里經海保社之中陽堡復西北流三十里至海保社之托佛別北境入輝發  
河

蛤蟆河源出海經社榆樹川之馬屁股嶺下通流水溝子會南孤頂子北孤頂子上鞍子河下鞍子河  
海甲社大陽南流諸水經蜂蟻山北流通角子溝北轉紅石砬子直至下口子長約一百三十餘里入  
輝發河

黃泥河子東西二川東川源出於海甲社東大陽北麓松樹溝子與岡西石棚溝西北流折而東北下  
復轉向西北入於輝發河西川源出於西大陽北麓會海甲社櫻棒嶺馬家嶺諸溝之水東北流入輝  
發河

窩集河之源有三一出於挂牌嶺為半截溝一出於駱駝砬子為聖水河一出於黃隈子黑隈子下流  
為盪石河子至紅土崖三河合而為一從黑魚溝入境至海遠社入一統河

鴨綠河源出於四方頂子至海通社鴨綠岡北流東折復東北流至海龍城南入柳河

哈達門河源出海隆社海昇社之東西哈達嶺西流經高麗盤道溝者鑑碗子溝煙筒穀子溝北流經

大猪圈溝東流經新開嶺溝北流經海和社之水道子下水道子太平溝子至二八石出溝入柳河計

長五十餘里

楊樹河子發源於海昇社之四方砬子山北麓老人溝過跳山溝大荒溝東會半截荒溝水再會小荒

溝水西南受四馬溝之水北流為楊樹河子至頭百担入柳河

柳樹河子發源於海茂社之大小荒頂子北麓海和社大猪圈分東南正南二支至柳樹河子合流北

流至海恒社磨盤山界折而東又折而北至海和社之御井入柳河

### 道路

城東五里海昇社奶子山八里奶子山巡警分區二里渡東沙河子五里海康社野猪河二十里海康

社朝陽鎮十里東橫虎十五里海振社團林子巡警分區十里渡輝發河海興社輝發城巡警分區十

二里蛤蟆河口巡警分區十里海堡社中陽堡巡警分區十三里托佛剎巡警分區五里吉林界自中

陽堡東南行四十里大北岔巡警分區四十里四方砬子吉林界

城東南十五里海平社雙頂子巡警分區十里渡柳河海順社界五里渡高集河海方社北平安川十

五里轉通平安川巡警分區五里海遠社南平安川二十里渡三通河海聚社樓上巡警分區五里再渡三通河十里杉松崗五里海總社孤頂子四十五里南孤頂子柳河縣界

城南五里海昇社李家船戶自此渡柳河七里海通社大鴨綠河界八里鴨綠崗越崗十里海遠社太平川巡警分區二里渡一統河海循社三合堡五里至小鴨綠崗柳河縣界

城西五里海化社小營隴溝十三里大營隴溝巡警分區十里渡沙河子海義社界十里桂奎嘴子十里閻家堡子五里梅河口十里海智社吳家街五里大黑嘴子巡警分區五里小黑嘴子十五里海和社界東山城子二十里山城子半里渡橫道河子二里海樂社界三里五里堡子十五里二龍山十里樺樹河子十里海永社十五里草市五里分水嶺五里甸陽樓五里門臉五里老邊境即土口子關原縣界

城西南自張家船口渡柳河海通社西行十五里海恩社榆樹川十里蓮花范二十里海良社六百担十里五百担十里海仁社四百担十里三百担十里二百担十里海和社頭百担西北行三里海信社山城子西南行十里海和社小城子十里御井十里柳樹河子十里小榜樹河海恒社十里磨盤山十里梨樹歲子十里六家子五里小城子十間三間房海強社十五里孤山子十里小白銀河二十里英

天 地 山 水 道 物 商  
度 理 山 水 路 產 務

城東北十五里渡東沙河子馬家船口海盛社八里牛心頂子巡警分區二十五里海治社高楊樹巡  
警分區十里一座英二十里海德社太平河十五里黑嘴子巡警分區十五里海北社康大營巡警分  
區十里吉林伊通州界自海盛社牛心頂子偏東行十五里海安社八火泉眼巡警分區六里郭家大  
橋吉林雙陽縣界

### 物產

動物如牛馬騾驢羊豕均為本境常產羊至少豕最多牛馬騾驢僅供耕作之用牛自己已年俄人駐  
境搜食殆盡現仍無殺動物之製造如馬牛皮羊皮均為本境製成之料均不敷用本境有狍鹿野豬熊獺併  
出海龍但不恒見春秋天氣多寒不宜養畜

植物如大麥小麥糜麥杭子蘇子玉蜀黍青豆小豆豉豆土豆蘿蔔白菜瓜瓠綠麻線麻菸草等均為  
本境常產以青豆高粱為大宗靛青為特產

植物之製造高粱穀子為造酒料之大宗青豆蘇子為造餅料之大宗小麥糜麥為造麩料之大宗大  
麥為造麩料之大宗小豆豉豆製造粉料玉蜀黍土豆製造麩粉料靛草製造染藍料

植物之藥材如人復細辛荆芥升麻草烏車前茅根柴胡紫蘇五味子赤芍蒼朮益母草狼毒地芽青  
蒿桔梗黃芩茵陳防風黃柏透骨草知母白薇茜草龍骨木通牛旁子公英地丁青黛艾葉皆產



礦物城東南一百四十里清水溝亦名芹菜溝查有金苗甚旺現在呈請開辦城東南一百里杉松崗  
產鐵煤炸久已開採並出有黑黃罐土

礦物之製造鐵鑄犁鐮亦鑄鐘鑪雜器炸鍊焦炭黑黃罐土製造鍊鐵梳子並缸盪一切陶器

### 商務

本城設立商務分會研究商務由衆商選舉總理一員會董十六員山城子鎮分會總理一員會董十  
六員朝陽鎮總理一員會董廿三員商務大宗靛青歲出約一百五十萬斤除本境銷行三分之一餘  
皆往鐵嶺省城營口外省銷行豆油歲出約九百萬斤除在境銷行十分之四餘皆往省城外省銷行  
豆餅歲出約五百萬塊在本境銷行蘇油歲出約二十萬斤在本境銷行蘇餅歲出約二十萬塊在本  
境銷行燒酒歲出約二百七十萬斤在本境銷行線麻蔴歲出約四百萬斤除在本境銷行十分之  
二皆往鐵嶺省城營口銷行煤炸歲出約九十萬斤除在本境銷行十分之八餘皆往各城及由三通  
河遼輝發河運往吉林銷行燠歲出約一千五百萬斤除在本境銷行十分之一餘分由輝發河運往  
吉林由通化縣之富爾江運往東城銷行菸草歲出約三百萬斤除在本境銷行十分之二餘皆往裏  
城銷行自通化縣柳河縣界吉林界運來之菸草約六十萬斤在朝陽鎮銷行十分之三在山城子銷  
行十分之七運來之蔴麻線麻約五十萬斤在朝陽鎮山城子銷行

歷史 本境建置沿革

唐虞息慎氏地周前慎氏地漢晉屬挹婁國南北朝勿吉地隋屬挹婁國唐五代渤海地遼回霸都  
金回怕里元合蘭府水達達路明輝發部落蒙古扈倫四部之一

國初

太祖三十五年滅輝發國置鮮圍場光緒四年經前

盛京將軍岐以鮮圍之地多被流氓墾種奏請文放給民管業又撥放大圍場南境數里寬一幅因古  
城舊址設治名曰海龍城置總管一員管理鮮圍西北毗連大圍場東流水培築封堆禁民私墾  
緝捕盜賊並督征鮮圍課賦等事轄佐領二員作為左右兩翼防禦四員驍騎校四員筆帖式一員  
由義州等八城設陽門等六邊門抽撥額設領催兵五百名戍守並置海龍廳通判一員巡檢管司  
獄事一員二十八年大圍場開放添設東平西安西豐三縣海龍廳升為府治轄柳河東平西安西  
豐四縣並改巡檢為府經歷仍管司獄事現在總管衙門事務簡少奉文查議裁併統歸和府衙門  
管理以一事權而符體制

政績

海龍城總管

馮有利漢軍廂白旗人光緒六年任當海龍草昧初開經營締造所有創制規畫條理秩然居民得安耕墾至今稱遂弗衰

高元朗漢軍廂藍旗人光緒十一年任廉陽自勵不名一錢督飭兵隊賞罰必信故能緝捕盜賊民得安業

多祿滿洲正藍旗人光緒十四年任甲午之役逃兵土匪紛至沓來幸與通判陳國良督辦民團先事預防闔境未受其害

依凌河漢軍正黃旗人光緒二十四年任庚子之變以迄日俄之戰捕緝賊盜經靖地方勞勩頗著民咸稱之

海龍府通判

楊文圖字晉卿順天通州人光緒六年九月任當海龍荒蕪初闢諸事草創敷布有方規模咸具請設學額民知讀書

汪稟字子寬時貢生直隸永平府灤州人光緒十二年八月任勤於聽斷實心為民

金作棟字伯昌浙江山陰縣人光緒十八年二月任嚴治盜賊匪類斂跡修理衙署規模始有可觀政  
治嚴明民知畏法

陳國樞廕生湖南長沙府湘鄉縣人光緒十八年六月任至甲午歲兵匪滋擾議舉鄉團民得以安

趙臣翼字燕孫癸未科進士順天府大興縣人光緒二十二年二月任治獄廉明捐廉課士而文風大  
進

宋維英字潤生湖南衡州府清泉縣人光緒二十五年正月任觀風視士稟請建修書院雖未幾去任  
而基礎已立

孫長青字紹卿順天大興縣人光緒二十五年十月任聽斷明慎振興學校庚子之變土匪潰勇股賊  
俄兵前後入境擾據半載餘鎮撫有方疆境賴以保全

### 海龍府知府

孫壽昌字芝齋附貢生順天大興縣人光緒二十八年任學有根柢躬行率士嘗至秀實書院講學諸  
生環聽質疑辨難士知奮勉三十年日俄構戰俄人以重兵駐海龍拒日於府之西南境相持八閱月  
俄人尋衅以堅忍處之土匪遊兵蠢動鼓煽以鎮靜待之卒獲安全

查富璣字友珊附貢生安徽桐陵人光緒三十二年任勸立學堂辦理巡警嚴治盜賊萑苻悉靖而地

面以安

孟憲彝字秉初戊子科優貢知縣丁酉科舉人順天府永清縣人光緒三十三年六月任勤政愛民屏去官場習氣下卓伊始即洗冤獄多案日坐當皇理事聽斷勤明暇則巡視城鄉問民疾苦民皆有家人父子之感情學務商務巡警衛生一切新政無不認真整頓蒞任甫經月餘而治行已彰人耳目矣

### 學務

本城因舊有秀實書院於光緒三十二年改設高初兩等學堂定額每班學生四十人置校長一員教員四員附設師範傳習所師範生每班亦四十人東門內官立小學堂一區學生兩班共八十人置教員四員併設勸學所置學務總董一員勸學員二員宣講師宣講生一名代收國民捐以上學堂各項用款均由海龍稅捐局撥交三十二年銅牌車捐銀圓二萬餘圓項內開支僅敷應用四鄉共分三十六社各設小學堂一區每學堂公舉學董一員置教員兩員額定學生四十人學費由各社自籌

### 警務

本城設巡警總局置總辦一員本管知府任之不支薪水提調一員文牘委員一員總查一員復置司書差并分任庶務及供繕寫又教習六員分派各區輪值教操馬巡七十二名步巡八十名巡弁五名四鄉三十六社按地方廣狹衝僻設巡警四十四分區每區置巡長一員馬步巡或三十或二十或十

數名不等其衝要寬廣之區酌添副巡長一員統計總分區正副巡長五十五員馬巡一百八十五名步巡八百七十七名所需薪餉稟明按地一畝每年收銀圓一角共計十二萬九千餘圓是謂畝捐巡餉每月開支額需一萬零一百零五圓每年額需十二萬二千六百六十圓過閏加增畝捐餘款作為軍火獎卹各需

### 武備

額設鎮催兵五百名原由義州等八城設陽門等六邊門額兵內抽調而來迨至光緒三十二年奉文由五百名兵內抽出四百名作八成隊一營名曰威軍營官一員哨官四員哨長五員又設捕盜營馬兵四十名巡官一員以上各營薪餉均赴省請領分司緝捕盜賊管解人犯看守監獄外有奉軍副左路右營步隊分防山城子朝陽鎮等處

### 兵事

甲午之役土匪竄起潰兵紛竄總管多祿通判陳國樑督辦鄉團及兵力足以制之故未被擾害光緒二十四年賊目李滄非率百餘人由龍崗攻入朝陽鎮沿途焚燒肆行搶掠在鎮街經宿始去庚子之變閏八月有畢永昌但名畢秋子率神武營潰勇竄入城東闖旋經依總管凌阿擊敗十月劉永和劉單子帶吉林潰勇六七百名攻撲朝陽鎮依總管督制兵與扣留之吉林衛隊及各社鄉團萬餘人前

往迎敵以無紀律而敗遂撤回城是夜敗回之兵與街市無顏竟將海龍之東南二關鋪商乘勢焚搶殆盡火光人喊連日不休次日俄人至朝陽築賊始散去俄人去後復合聚十一月巨賊楊玉林綽號十四湖王率吉林潰勇二三千名偽稱鎮東營踞於松遼接上一帶侵入海龍外敵兵志肆高誘行搜槍槍為鄉人劫掠表為難民任為掠奪餘二十餘日始去十二月劉單子糾聚潰勇合土匪三四千人由通化縣界撒入海龍假名忠義軍縱其掠奪食民不堪命其偽營官王合達綽號王老道踞朝陽鎮李曉吧踞海龍之南境一帶二賊尤為惡自十一月至次年二月盤踞不去欲據為老巢嗣俄人來勦始潰散未幾俄人去賊復合聚山城子鎮鄉去哨官哨長各一員傷兵數名大肆擄掠四月劉單子李曉吧督率馬步賊數千圍攻海龍俄總管署通判孫長青督在城之兵及新撫之鎮東營陣守禦經一晝夜奮撫之馮佩均帶二百人突圍入援俄人繼至圍始解然城內之典當已被兵擄掠一空城外之高商居民已被賊焚搶無遺矣乙巳年日俄開釁俄人駐屯兵於海龍拒於府之西南大官巷俄人在城屢次尋衅百般要求花勝隊土匪潰兵乘勢起槍擄鄉民已不聊生幸孫芝齋太守堅忍坐鎮內而應付俄人外而撥兵勦賊始獲保全

耆 舊